

急救喉症刺灸合编



咽喉寒症從來稀少，百中不過偶有一二。其症咽喉疼痛，既不紅又不腫，或且微帶白色，口不渴，喜飲熱湯而不能多飲，小便清而且長，腹疼腹冷，大便泄瀉，手足厥冷，身重惡寒，喉間清涎成流而出，時作乾嘔欲吐，舌胎潤而且滑，其脉沉而微細，乃足少陰腎經中寒症也。由其人腎中真陽本虛，寒邪乘虛直中其經，逼其微陽上浮而為咽痛，是無陽純陰之症，故名陰症。喉痺當知陰陽喉痺兩症，病源如水炭之殊，故用藥有天壤之隔。况咽喉寒症從來本不多有，果係前項陰寒之症，尤須審視的確，分認明白，方可用藥。無論冬夏，當用四逆湯，姜附理中等湯，自愈。切忌表散清降寒下等劑。如非寒症，誤用姜附則不可救矣。

陽症喉痺

喉蛾、喉風、喉閉、纏喉、鎖喉、瘟疫、白喉、皆曰喉痺。痺者痛也。病也。不仁之謂也。陽症者，乃實火為患，臟腑積熱，熱甚生風，風火迅速，鼓激痰涎，堵塞咽喉，隘地呼吸難通，以致頃刻之間，牙關緊閉，不省人事。若不急治，多不可救。勢甚兇猛，藥力一時難以見效。先以後頸窩處用香油括之，或急刺少商穴。穴在大指內側，去爪甲角如韭葉。擠去惡血。諸外治法詳見咽喉門內。次以元硃丹吹之，再將後開咽喉統治。各方看病之輕重，斟酌加減煎服，依法醫治，無不奇效。

風火喉癰

此症屢愈屢發，並無夜熱咳嗽吐血等症，惟止喉痛紅赤，或似蝦蟆皮色，圈結喉中。用秋蝴蝶花根二兩，即射干也。此花梗葉與春蝴蝶花一樣，但

春間開者，花是藕合色，以秋間洗淨搗爛，甜酒煎汁啣口中，漱開黃花者為真，不可誤取用。三五次吐出，再換再漱，可以除根。

喉癰

體虛多鬱者患之，喉生苔癰，色暗不紅，不閉不腫，氣出如常，微微疼癢，有碍飲食者即是。此係虛火絃纏難愈，忌刺畏補，用頭胎黃牛尿，放新瓦上，並用瓦蓋周圍，用文武火煨至烟盡存性，連瓦取下，用鉢蓋住，候冷研末，用筆管徐徐吹入，自愈。又方：冰片、牛黃各一分、膽礬三分、山豆根二錢、真硼砂、雄精、兒茶各八分，共研細末，另用鹹梅三個去核，搗融入藥和勻，丸如龍眼大，臨卧啣在口內，過夜即愈。啣至十丸斷根，神效無比。

喉瘡 即名爛喉

此症初起，咽喉乾燥，如茅草常刺喉中，痛而且癢，日久其色紫暗不鮮，漸漸腐爛，時吐痰涎，疼痛日增，飲食有碍，病源由腎水久虧，相火炎上，或因過食煎炙厚味，燒酒辛熱等物，積熱於胃，口臭口渴，舌燥胎黃，牙齦腫痛，口舌破爛，乃相胃二火薰肺而成斯疾。治當補腎水，清胃熱，宜甘露飲，胃熱甚，或丹皮石膏銀花牛子連翹粉葛黃連，酌量加減用之，或知柏地黃湯亦可服。吹藥總以元硃丹為最妙。患者戒食鷄魚羊肉，燒酒煎炙厚味辛熱發物，清心寡慾，淡泊調養，方可醫治。不然必致腐爛延開，旁生小孔，若蟲蛀蟻蝕之狀，多不可救。

喉疔

亦急症也。生喉間，形如靴釘，尖而且長，紫黑堅硬，初起麻癢，旋

即大痛，即以除瘟化毒散，加重金銀花煎服，或單用生菊花連梗帶葉三四兩煎湯頓服，或野菊花亦可。又方：用露蜂房蟬退，各用火煨存性，研末一錢，酒調服，輕者一服立愈，重者連進二服，少頃腹中大痛，痛止即愈。

喉瘤

此症或單或雙，亦生喉旁，不紅不痛，飲食無碍，與蛾子異，不可妄作蛾症治。有因病後而生，有不知不覺而生，或一月二月而愈，或數月而愈，有數年而不愈者，法宜看平日體氣，寒熱虛實，緩緩治之，仍以元硃丹時常吹上瘤處，久久自然全愈，切不可動用刀針，一經潰爛，反致不救。

喉舌破爛

此症多因風熱陽症之輕者。初起或微紅微腫，不甚疼痛，飲食亦無相碍，不自提防。或因過食雞魚煎炙厚味，姜椒熱毒發物，或又誤服姜附溫補熱藥，火上添油，熱毒愈熾，以致紅腫疼痛，漸漸腐爛成孔，愈爛愈寬。若不早為醫治，或再投以姜附熱藥，連小舌一並爛去者，多不可救。治法：先以陳茶葉煎濃汁，漱淨喉舌，用元硃丹頻頻向患處吹之。初進神功辟邪散數劑，再用甘露飲，或知柏地黄湯，看病勢之輕重，酌量加減服之。非一月半月可能收功也。愈後切忌煎炙厚味、雞魚辛辣熱毒發物。酒色尤須禁戒。調養半年，免致復發。或以人中黃研末，水冲服，極效。

喉間作痛爛不收口

此名爛喉痧、用 土茯苓煎湯、時時服之、忌茶數日、即愈、又

以四物湯、加 茯苓 黃耆 二十餘劑而安、又方 服櫻

桃數十粒、即愈、如無新鮮者、即蜜餞亦可、此方係嘉慶年間江

蘇人得自仙傳、救人無數、平時宜向南貨客、購買蜜餞櫻桃、存

貯、以備急用、又方 用紅棗散、見後吹入、過夜即安、或用人中

白散、人中白 兒茶 真青黛 真硼砂 各一錢 薄荷 元明

粉 馬屁勃 各五分 頂上梅冰片 二分、共研極細末、如病重者、加

真犀牛黃 三分、珍珠 五分、其效更速、用筆管吹之、甚妙、

飛絲入喉生瘡

凡喉瘡日久不愈、恐是露天飲食、有飛絲落下食之、以致咽喉

生瘡、急用 白礬 巴豆 燒灰、吹入即愈、或用後巴豆油薰



鼻之法亦妙

喉内生瘡鼻孔亦爛

若作喉風治立死用 白鹹梅一個 燒灰存性 枯礬一錢

山甲一錢 共為末吹喉中神效或用人中白散見前治之

喉瘡破痛難食

豬腦髓蒸熟醋和食之

喉内生肉重重疊疊腫起不痛多日方有臭氣透出

臭橘葉煎服數次即愈 又方 用綿裹筷子頭蘸食鹹點肉

上五六次自消再用 桔梗 黃連各一錢 枳實炒 前胡 連

翹去心 陳皮 防風 半夏 柴胡 南星 白附子 牛蒡

子炒研 赤芍 義朮 元參 甘草各一錢煎服體虛者忌服



喉中結氣如梅核樣時有時無

半青半黃梅子每個用鹹一兩

不鹹少效

醃一日一夜晒乾又醃入

晒醃至鹹水盡為止每用青銅錢三個夾鹹梅兩個麻線穿仁

裝磁罐內封口埋地下百日取出每用鹹梅一個含口中嚥汁

入喉半刻即消收一年者佳越陳越好其妙無窮又方子

龍丸即陳無擇三因方中之控涎丹也

製甘遂

大戟

煮透去骨

晒乾忌火炒

白芥子

炒

各等分為末煉蜜為丸梧子大每服三分淡

姜湯下忌與甘草之藥同日而服此以此服之最效

喉中結塊不通水食危急欲死

百草霜

即鍋烟子以鄉村燒草者為佳燒煤炭者斷不可用

和蜂蜜為丸如芡實大新汲

井水化一丸灌下甚者不過二丸此名百靈丸又方

膽礬

啣口內惡涎吐盡自愈

喉中忽硬一塊如桂圓大吞吐不出不下

厚樸

半夏

茯苓

紫蘇

錢各一

甘草

五分

老姜

一片

煎服愈

喉間腫大又非癭瘤忽痛忽止外現五色按之半空此痰

結也用

海藻

半夏

白芥子

貝母

南星

錢各三

高麗參

三錢

茯苓

五錢

昆布

桔梗

甘草

錢各一

製附子

一錢

水煎服

喉中生珠

丹溪云此非喉症乃是鼻中生一條紅線如髮懸一黑泡大如

櫻珠垂挂到喉門而止如用刀針即死急取活土牛膝根獨條

肥大者

向生草藥店中買之

搗汁以好醋四五滴和勻滴入鼻中二三次

線斷珠破吐出瘀血立安或用針刺手腕中紫筋或刺少商穴

查後喉症諸方便知去其惡血更為神妙

喉中生瘤

此症生喉間兩旁或單或雙如桂圓大紅絲相裹如瘤因肺經受熱所致切忌用刀內服益氣疎風湯甘草桔梗

芎當歸生地升麻白芍花粉黃芩麥冬前

胡青皮乾葛連翹防風白蒺藜水煎服外用射

香上冰片各三分川連二分研末時時吹入或刺手腕中紫筋

或刺少商穴亦妙

喉中作癢

此喉管傷寒也不可吃茶酒湯水用薄荷二分麝香五厘研

極細末吹入喉中吐出涎水盥許再用陳米二合煎湯飲之自



愈若先服茶酒等物則難治也又有咽喉癢痛聲啞方見前

喉外生癰

此症發於頸項結喉俗名喉結之上名結喉癰發於結喉兩旁名痰

喉癰重則堵塞咽喉湯水不下若爛穿見喉難治初起未破者

內服黃連消毒散外敷二味拔毒散消毒方用 黃芩 黃柏

防己 藁本 桔梗各五分 防風 知母 獨活 連翹 生

地 歸尾各四分 黨參 甘草各三分 蘇木 陳皮 澤瀉各二分 羌

活一分 黃連一錢 生黃芪二錢 水煎食遠溫服拔毒方用 雄

黃 枯礬 各等分為末先用姜汁洗淨用茶調敷

穢濁上衝咽喉腫痛

連翹 三錢 馬勃 黑梔各一錢五分 杏仁去皮 橘紅 竹葉心各一錢



鬱金 八分 旁子 二錢 水煎服

卑雙喉蛾

又名喉痺。生於咽喉關上者輕，關下者重。此症喉閉片時，即不可救。若男子從鼻梁中心尋至頭頂，婦女則從後腦尋至頂上，小兒則看兩手虎口。如有水泡紅子，即用銀針挑穿，喉蛾即破。忌見燈火。一面用老蒜搗融，如蠶豆大，敷經渠穴。穴在大指下，手腕處，寸脉後，即男左女右，用蜆壳蓋上紮住。用別物蓋亦可。片時起一水泡，銀針挑破，將水揩淨，以去毒氣，立刻安痊。再服甘桔湯方。金銀花二錢，甘草一錢，桔梗八分，牛蒡錢半。水煎服，以免後患。無藥之處，不服亦可。此方屢試屢驗，其效無比。又方：皂角虫蛀者不用，研末，醋調服一錢，重則一錢四五分，或用鷺毛蘸藥入喉攪動。

亦可。並敷喉外。乾則隨換。少時吐出痰涎即愈。此係急症。諸藥性緩。惟此功效甚速。屢試皆驗。喉風第一方也。並治九種喉痺。愈後仍照甘桔湯調理。無藥之處。不服亦可。又方 鷺尾一根。粘真桐油一分。入喉捲攪。痰隨油吐。服甘草水。可解油氣。又方 指甲燒灰吹入。其蛾立破。至便至神。或用燈草燒灰吹入。亦極驗也。又後有喉症各方。俱極神效可用。又此症生咽喉之兩旁。狀若蠶蛾。一邊生者為單蛾。兩邊俱生者為雙蛾。亦有形如棗栗。如乳頭者。故又名為乳蛾。病甚者。初起仍作寒作熱。切不可投以表藥。若誤用表藥。其腫愈甚。凡紅腫無形為痺。有形是蛾。其症紅腫疼痛。痰涎壅塞。飲食阻碍。無非積熱所致。但有輕重之分。重者急以老蒜敷經渠穴。最為捷效。仍照後治各法。

治之多用元硃丹時時吹上再以除瘟化毒散主治各方煎服以紅退腫消痛止為度近時惡俗竟多妄動刀針以致腐爛久不收功即或暫愈久又復發為害非淺咽喉最忌刀針倘若誤傷蒂丁俗名小舌多不可救慎之慎之為要

單雙蛾喉癰疼方並治小兒口内生瘡

枯礬一味不拘二三兩研碎放碗內冬臘月以青魚胆拌聽其陰乾逐漸加入以礬青為度愈多愈好再研碎篩細用瓶盛之遇患者用竹管吹入無不應效真救急妙方又方雞肫皮不要見水曬乾炙燥全冰片各不拘多少研為細末吹在喉內立破即愈

蛾喉腫閉



麻雀屎二十一粒、沙糖少許、和成三丸、每用一丸、以薄綿裹之、吞津嚥下、甚者吞至三丸即愈。

落井喉蛾

蛾子生在喉窩內、為落井喉蛾、不能窺探、急按魚尾穴、即經渠穴、杏、兩單雙蛾、喉便知、用燈火三灸、再刺少商穴、擠去惡血、用元硃丹吹之、以加減甘桔解毒湯煎服。

咽喉聲啞

真硼砂一兩、元明粉一錢、訶子肉二錢、胆星一錢、冰片二分、共為末、外加、大烏梅一兩、搗如泥、丸如龍眼核大、每用一丸、噙化數次、即愈。又方、雄猪板油一斤、熬去滓、入白蜜一斤、再煉少頃、漚淨、入磁器內、俟成膏、不拘時挑服一匙、兼治肺熱聲啞。